



Nuuk, 11. 11.09

Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

Naalakkersuisunut apeqqut: Meeqqat atuarfiini tuluttut ilinniartitsisinnaasut qanoq amerlatigisut amigaatigineqarpat? Tamatumunnga ajornartorsiut qanoq iliorluni qaangerniarneqarpa? Ilinniartitsisunik amigaateqarnerput qaangerniarlugu Qallunaat Nunaata avataaniit tikisitsinissaq periarfissaqarnerluni?

(Inatsisartuni ilaasortaq Malik Berthelsen, Siumut)

Tunngavilersuut:

Ulloq 11.november immikkoortoq 103-ip oqaluuserinerani, atuartut 1. klasse-miit tuluttoortalernissaanut Naalakkersuisut itigartitsinerminnut annerusumik tuluttoortitsisinnaasunik amigaateqarnerput tunngavilersuutigivaat.

Tamanna tunngavigalugu paaserusuppara ilinniartitsisut tamatumani qassit pineqarnersut? Aammalu ajornartorsiutip qaangerniarneranut Naalakkersuisut qanormita pilersaaruteqarpat?

Tuluttoortitsisinnaasunik amigaateqarnerput ima annertutigisimappat allaat 4. klasse sioqqullugu tuluttoortitsisalnissaq piviusorsiorlut isigineqarani aammalu Qallunaat Nunaanniit tikisitsinikkut ajornartorsiutip qaangernissaanut matussuserneqarsinnaanngippat taava periarfissanik allanik ujarlernissarput saneqqunneqarsinnaanngitsutut isigaara.

Taamaattumik apeqqutigerusuppara Qallunaat Nunaata avataaniit tuluttoortitsisarsinnaasunik tikisitsisinaanissaq periarfissaqarnersoq?

Immaqa ilinniartitsisut qallunaatut kalaallisullu oqalussinnaannginneri apeqquserneqarsinnaagaluartut, ajornartorsiutip qaangerniarneranut meerartattalu tuluttut oqallorinnerulernissaat anguniarutsigu aporfusariaqanngitsutut isigaara. Takornartaanngilarmi kalaaliaqqat qallunaatut oqalussinnaanngitsut qallunaanit kalaallisut oqalussinnaanngitsunit ilinniartinneqartarnerat.